



Synfocity = 877

mail us at : mzsynfo@gmail.com; mizoramsynod@gmail.com - Phone - 2314648

February 23, 2023

❑ Synod Executive Committee (SEC) vawi 301-na

Mizoram Presbyterian Kohhran hnuiaia Synod Committee sang, Synod Executive Committee vawi 301-na chu February 21-23, 2023 chung khan an thu.

Meeting hi Synod Moderator, Rev. Dr. C. Chawngminglian a kaihuai a, thu ngaihtuah tur 50 chuang chhawp chhuah a ni. Upa B. Lalhmunliana, Synod Secretary (Sr)-in report a pe a, Rev. V.L. Luaia Hranleh, Finance Officer-in report a pe bawk. Rel tura chhawp chhuah zingah nikum 2022 Synod thu dah - Corruption do leh a kaihnawih chungchang te, ram hruaitute khalh ngil tura Synod-in chak zawka hma a lak dan tur chungchang te, Land reforms leh land ceiling chungchang te, Politics siam tha tura hmalakna chungchang te, Mizoram Assembly inthlanpui atana tawngtairual chungchang te chu a langsar zual a ni.

❑ MSSU Day

February 20, 2023 (Thawhtanni) kha MSSU Day vawi 125-na a ni a. Mizoram Presbyterian Kohhrana Sunday School dintu chu Pu Zosaphluia (D.E. Jones) niin February 20, 1898-ah Aizawlah bul a tan a ni. A din tirh chuan Mission Bangla bula In chhe te, Biak In leh sikul atana an hmanah chuan Pathianni apiangin Pu Zosaphluia chuan chawhma lamin Khasi Kristiante Bible thu a zirtir a, chawhnu lamah Mizo Kristiante a zirtir bawk. 1900 kum tawp statistics-a a lan dan chuan Sunday School zirtirtu pali leh zirlai 46 an awm hman tawh a ni.

Synod Inkhawmpui 2022 report-a a lan danin MSSU dinhmun tlangpui chu hetiang hi a ni -

Office-a thawktu zat	- 5
Sunday School zat	- 1028
Zirtirtu	- 50,346
Zirlai	- 3,90,350

Zirtirtu leh zirlai belhkhawm hi 4,40,696 a ni.

❑ Synod Mission Board

♦ Kumin 2023 January thla chungga Mission Field hrang hranga member thar zat hetiang hi a ni:

S.No	Field	Total
1.	Arunachal & Assam Mission (East)	3
2.	Arunachal & Assam Mission (North)	4
3.	Arunachal & Assam Mission (West)	9
4.	Assam	6
5.	Barak Area	9
6.	Delhi	15
7.	Home Mission North	7
8.	Home Mission South	12
9.	Jharkhand	32
10.	Karbi Anglong	22
11.	Kolkata	0
12.	Lucknow	0
13.	Nepal	10
14.	Odisha	4
15.	Patna	2
16.	Siliguri	15
17.	Tripura	95
18.	Masihi Sangati	209
	BELHKHAWM	454

◆ **Jharkhand Mission Field**

February 17, 2023 (Zirtawpni) khan member thar mi pali an neih belh a, February 19, 2023 (Pathianni) khan member thar mi 11 an neih belh a, Roman Catholic atangin chhungkaw hnih (member pakua) leh Seventh Day Adventist Kohhran atangin mi pakhat kan Kohhranah an inpe bawk.

◆ **Arunachal & Assam Mission Field (West)**

February 19, 2023 (Pathianni) khan member thar mi pahnih an neih belh.

◆ **Barak Area Mission Field**

February 19, 2023 (Pathianni) khan member thar mi pathum an neih belh a, Kohhran Pawl dang atangin member 24 kan Kohhranah an inpe bawk.

◆ **Patna Mission Field**

February 19, 2023 (Pathianni) khan member thar mi pakhat an neih belh.

◆ **Assam Mission Field**

February 19, 2023 (Pathianni) khan member thar mi pahnih an neih belh.

◆ **Masihi Sangati**

Ramhlun North Pastor Bial Masihi Sangati Meet neih a ni a, mi 113 hruai khawm niin February 19, 2023 (Pathianni) khan member thar mi 13 an inpe a. February 19, 2023 (Pathianni) khan Khanpuiah member thar mi pakua an neih belh leh a. Nepali chhungkaw hnih (member 6) an rawn inpe thar bawk.

◆ **Home Mission South Missionary Retreat**

February 24-26, 2023 chung hian Home Mission South Missionary Retreat, Lunglei Chanmari Kohhran Biak Inah neih a ni a, Rev. R. Lalhmingsanga, Secretary, Synod Mission Board chu Speaker a ni. Home Mission South-ah hian thawktu 262 (mipa 124 leh hmeichhia 138) an awm mek a ni.

□ **Trust**

February 22-24, 2023 chung hian Tuithumhnarah Pastor Quarters sak tur leh Retaining wall en felin Pu Lalhriatrenga, J.E a kal.

□ **MSSU**

February 25, 2023 (Inrinni) hian Kohhran leh Bial hrang hrangah Sunday School zirtirtu training neihpui turin hetiang hian an chhuak ang.

Phunchawng Kohhran - Pi Lalpianthangi Hrahse, Coordinator
Upa K. Zoremsanga, Trainer

Vaivakawn Vengthlang Kohhran - Pu Lalhmunzauva Tlau, Asst. Coordinator
Upa Lalthanchhunga, Trainer
Upa John Lalnunthara, Trainer

Khawlailung Bial - Upa Dr. Lalhmachhuana, Trainer
Upa C. Lalbiaksanga, Trainer
T. Upa B. Malsawmtluanga, Trainer

□ **Synfo**

February 24, 2023 (Zirtawpni) hian Kohhran Hmeichhe Inkhawmpui Lian neihna tur Darlawnah Pandal sak mek enpuin Synfo thawktute-Pu David Lalruattluanga, Tv. H. Lalpanpuia leh NI. Ngurnunsangi te an kal ang.

□ **FG&CC**

February 25-26, 2023 hian Kawrthah leh Rengdil Bialah Kristian Chhungkaw Campaign leh Outreach Counselling nein FG&CC Counsellor-te, Rev. J. Lalremsiama, Rev. C. Lalduhawma, Rev. R.C. Lalthavula, Rev. K. Lalniengmawia, Rev. Lalhleia, NI. Esther Lalkhawngaihdaungkimi leh Campaigner Rev. Dr. K.M. Vanlalpeka te an kal ang.

□ **Synod Relief Fund**

Tun hnaia harsatna tawk, Suangpuilawn North-a damlo mi pakhat hnenah Synod Relief Fund atangin ₹ 8,000/- pek a ni

- ☐ **FM Zoawi - Aizawl & Lunglei : Hruaina Eng Radio Programme**
February 24, 2023 (Zirtawpni) @ 7:30 p.m. :
Solo : K. Vanlallawmi - Harhna kan ngai
Zaipawl : Dawrpui Vengthar Kohhran Zaipawl - Vanram pan hlimte zai ru
Thusawi : Rev. R. Lalchangliana - Zoram mamawh harhna Kristian chhungkua
Solo : Isak Malsawmtluanga - Simin i hnen ka rawn pan e
Zaipawl : Tuivamit Kohhran Zaipawl- Harhna
- ☐ **Susamachar Prasaran Programme :**
February 26, 2022 (Pathianni) 5:00 pm. :
Group/Choir/Solo : Lunglei Area Masihi Sangati - Yisu lio tera nam
Group/Choir/Solo : Champhai Vengthlang Pastor Bial - Hamara Kal
Sermon : Lalhmingthanga
Group/Choir/Solo : Siyon Swaram - Bharat Desh Mahan
Group/Choir/Solo : The Leprosy Mission Choir - Ham Soup Te He
- ☐ **Hruaina Eng TV Programme**
23.2.2023 (Ningani) 7:00 pm : Sermon - Rev. Dr. K. Lallawmzuala, Executive Secretary
8:30 pm : Zir bingna - F. Vanlalrochana : Tangka sum ngainat
24.2.2023 (Zirtawpni) 7:00 pm : Sermon - C. Lallianthanga, Agape Gospel Rhema Team
8:30 pm : Synfo Inleng : Dr. S. Parmawii leh Dr. Angela V.L. Muanpuii
(Dengue leh Rannung seh chungchang)
25.2.2023 (Inrinni) 5:30 pm : Puitling Sunday School zirlai
7:00 pm : Sermon
8:30 pm : Fak Hla huang
26.2.2023 (Pathianni) 8:00 am : Weekly Round up
3:00 pm : Sermon - Rev. Dr. L.H. Rawsea, ATC
8:30 pm : Sermon - Rev. Dr. Lalchungnunga, Zarkawt
27.2.2023 (Thawhtanni) 7:00 pm : Sermon - Pi Siampuii Pautu, Comm. member,
Central Kohhran Hmeichhia
8:30 pm : Hruaina Eng Luang Chhuak
28.2.2023 (Thawhlejni) 7:00 pm : Sermon - Malsawmdawngliana, Comm. member, CKTP
8:30 pm : Nilai Zan thupui zir ho
- ☐ **Moderator leh Executive Secretary-te Programme:**
Rev. Dr. C. Chawngmingliana : Moderator
February 27, 2023 Revival committee leh Partnership committee
March 3-5, 2023 KTP Rorel inkhawm
- Rev. C. Zoramawia : Senior Executive Secretary**
February 27, 2023 Revival committee leh Partnership committee
February 28-March 2, 2023 PCI Working committee, Shillong
March 3, 2023 M.Th zir tur interview Board - ATC
March 4, 2023 Falkland Vengchhak Kohhran Biak In Lungphum hun hmanpui
- Rev. V.L. Luaia Hranleh : Executive Secretary**
February 28, 2023 Social Front committee
March 5, 2023 FG&CC Awareness Campaign, Chanmari Kohhran
- Rev. Dr. K. Lallawmzuala : Executive Secretary**
February 27, 2023 Campus Ministry committee
February 28-March 2, 2023 PCI Working committee, Shillong
March 3-5, 2023 KTP Rorel inkhawm

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form	:	Office hun chhungin Rs. 10/- a lei theih a ni
Dil hun chhung	:	April 24, 2023 (Thawhtanni) tlai dar 3:00 thleng
Dil thei chin	:	Class VII pass, kum 16 chin, Kohhran dan chhunga awm
Interview	:	April 28, 2023 (Zirtawpni) chawhma dar 10:00
Class tan hun	:	May 3, 2023 (Nilaini)
Zir hun chhung	:	May - August, 2023

Hrechiang duh tan Phone No. **8296035491/9862322112**-ah zawhfiah theih a ni.

Sd/-
Rev. Lalrinsanga
Principal
Presbyterian Bible School

Church's Auxiliary for Social Action (CASA) Hna ruak

Church's Auxiliary for Social Church (CASA) hnuai a heng hnate hi a ruak a, ngaihven theih a ni e.

1. Deputy Director

1. Location : CASA Headquarters, Delhi
2. Required Qualification : Post Graduate Degree/Diploma/MBA in any subject related to Social Service or Rural Management (Regular on - campus education). Candidate with Ph.D, M.Phil in related subjects will be preferred.
3. Preferred Experience : 15 years including leadership positions held at senior management level
4. Preferred Age : 45-55 yrs
5. Hlawh : Kum khatah ` 18 lakhs + other benefits

2. Associate Head of Programme

1. Location : CASA Headquarters, Delhi
2. Required Qualification : Post Graduate Degree/Diploma/MBA in any subjects related to Social Service or Rural Management (Regular on - campus education)
3. Preferred Experience : 15 years in project/programme management including working at senior leadership positions
4. Preferred Age : 45-50 years
5. Hlawh : Kum khatah ` 15 lakhs + other benefits

Dilna thehluhna : email - bishopsubodhmondal@yahoo.com

Last Date : March 15, 2023 (CASA hnuai lo thawk tawh thinte tan dil buai a ngai lo vang)

Hrechiang duh tan : www.casa-india.org

DIL THEIH

Khawvel huap Kristian pawl lian panga - World Council of Churches (WCC), World Communion of Reformed Churches (WCRC), Lutheran World Federation (LWF), World Methodist Council (WMC) & Council for World Mission (CWM) tang ho huaihawtin August 21-September 1, 2023 chhung hian Kuala Lumpur, Malaysia-ah ni 10 chhung awh Ecumenical School on Governance, Economics and Management buatsaih a ni dawn a, kal duh turte tan a hnuai link-ah hian chiang zawka hriat theih a ni.

<https://www.cwmission.org/applications-open-for-ecumenical-school-on-governance-economics-and-management-gem-2023/>

Dil theih hun hnuhung : February 24, 2023